

ԱՌԱՋԻՆ ՏԱՐԻ
 № 29
 Տ Ա Ր Ե Կ Ա Ն
 Բ Ա ժ Ա Ն Ո Ր Կ Ա Գ Ի Ն Ն Է

Թարիքում 14 դրան
 Գաւառներում 20 դրան

ԱՌԱՋԻՆ ՆԱԶԱՐԻ

Ռուսաստան 4 ռբ. 50 Կ
 Թուրքիա 50 դրան
 Եւրոպա 12 ֆրանկ
 Ամերիկա 2 տոլար 5 Կ

Յայն իւնիստի վճարը
 Առաջին եր տողատեղը 10 շահի
 Չորրորդ 5 Կ

ԱՌԱՋԻՆ ՀԱՄԱՐԸ 6 շահի

Խմբագրութեան հասցէն՝ Թարիք
 ՄիջՏԲ-ի խմբագրութեան կամ Tauris (Perse)
 Rédaction du journal «MITK»



ԱՅԳԱՅԻՆ—ՀԱՍԱՐԱԿԱԿԱՆ ԳՐԱԿԱՆ-ԲԱՂԱՔԱԿԱՆ

ԽՄԲԱԳՐԱԿԱՆ ԿԱՆՈՒՄՆԵՐ

1. Մեզ գրողներին խնդրում է գրեն, պարզ, մաքուր և անպայման բոլորի առաջին երեսի վրայ:
2. Խմբագրութեան իրեն է վերադարձնում իրաւունք՝ ստացուած յօդուածները փոփոխութեամբ և կրճատումներով հրատարակելու:
3. Մենք մերժում ենք յօդուածներ, որոնք ուղղագրական հերձուածը և մեզ ենք վերադարձնում իրաւունք՝ ստացուած նիւթերը տպել մեր ընդունած ուղղագրութեամբ ու ուրիշ:
4. Չստացուած կարճ յօդուածները չեն վերադարձնուած: Ուղարկուած և չստացուած երկար նիւթերը յետ ստանալու համար պէտք է ուղարկել պատի ծախար:
5. Չի տպուի ոչ մի յօդուած եթէ դա կեղծ անուան հետ միաժամանակ չի կրի յօդուածագրի անուն ազգանունը:
6. Բաժանարարները թերթ շաբաթաւոր գէպում շուտով տեղեկացնելու են մեզ՝ հակառակ դէպքում խմբագրութեան իրեն վեր է համարուած պատասխանատուութիւնից:
7. Չստացուած յօդուածները համար խմբագրութեան բացառութիւններ չի տալիս:
8. Հասցէները փոխելու համար պէտք է մեզ ուղարկել 2 դրան 10 շահի:

ԿԱՐԴԱՑԷՔ

Ն Ո Ր - Ա Շ Խ Ա Ր Հ Ը

Բաժանորդագրութիւնը Պարսկաստանի համար 12 ռուբլի: Բաժանորդագրուել ցանկացողները դիմելու են թերթի խմբագիր-հրատարակչին: Ապագիկ պատուէր չի ընդունուում:

ԹԻԻՐԲԻԱՆ ՔԱՂԱՔԱԿՐԹՈՒԹԵԱՆ ՀԱՆՐԷՊ

Թիւրքիան գտնուում է Եւրոպայի շէմքին, և սակայն ոյժեր կան, որ միակ աշխատանք ունեն նրան հակադրուող զիջքի մէջ պահելու: Եւրոպայ ասելով մենք երկրամաս, աշխարհագրական տարածութիւն չենք հասկանում, այլ ժամանակակից քաղաքակրթութիւն, պատմական հոսանք, որի գագաթնակէտին են հասած ներկայ եւրոպական պետութիւնները: Գուցէ աւելի յարմար լինէր եւրոպականութիւնը բառով որակել մարդկային ընդհանուր գարգացման այդ աստիճանաւորումը:

Թիւրքան պիտի եւրոպականանայ, թէ՛ ոչ: Կարող է նա համաշխարհային կապիտալիզմի այս բուռն և անտեղիտալի մղումի առաջ մնալ: Ասիական մի տեղիքին, պահելով իր պետական ներկայ կազմի ու շրջանակը: Երբ դարերից ի վեր կղզիացած և աշխարհագրականօրէն ու պատմականօրէն աւելի լաւ պայմանների մէջ գտնուող Զապոնիան անկարող եղաւ իր նախկին շրջանակի մէջ մնալ եւ գոյութեան կռիւը նրան հարկադրեց ձեւափոխել, եւրոպականանալ, — Թիւրքիան չէ, որ իր շատ անբարեկամ լիակամով, եւրոպականութեան գոտին առաջ, պիտի շարունակել կարողանար իր կղզիացումը և ղեկավարուէր ընկերային, տնտեսական, քաղաքական այն օրէնքներով, որոնք ժամանակակից պետութիւնների համար այլ եւս գոյութեան որ և է իրաւունք չունեն և նրանցից կառուողները կամ պիտի կորչին, — դա մի երկնաւորանք է, որի առաջնութեամբ

ստիպական աբարքը իր մէջ ունի արդէն՝ պատիժը և հետեւանքը: Թիւրքիոյ նման՝ մի ընդարձակածաւալ պետութիւն, ի իրարուց անջատ տարբեր և հակամարտ տարր-ազգութիւններով, — այդ բոլորը դնել համեմատաբար աւելի սակաւաթիւ թուրք տարրի կեանքի և զարգացման շրջանակի մէջ, սրան յամենայն դէպս բացարձակ իշխող տարրի դերի մէջ պահել և պետական կազմը ամրացնել կրօնի, ցեղի և հակապատկառութեան ազդեցութիւնը վրայ ու այդ կերպ մտածել այս պետութիւնը յառաջ քայլեցնել, նրա կեանքն ու գոյութիւնը շարունակել տալ, — դա կըլինէր մի կատարեալ հրաշք, հակաբնական, ինչպէս որ հակաբնական է ամէն հրաշք:

Պետական ոյժը իրերի բնաւորութեան բոլորովին հակառակ ընթացքի է հետեւում, երբ սահմանադրական կարգերի անուան տակ ուզում է միապետական կեանքը պարփակել նախկին շրջանակի՝ աստուածապետական-աւատապետական պայմանների մէջ: Աստուածապետական, ազնուապետական Թիւրքիա այլեւս անկարող է գոյութիւն ունենալ. պատմութիւնը նրան մահուան է դատապարտել և այդ մահը որքան շատ արագացուի, այնքան աւելի լաւ, — Նոր-Թիւրքիայ՝ ի համար: Մտածուցման, բիրեղացման, անփոփոխութեան օրէնք Թիւրքիայի համար չի կարելի ստեղծել, — ինչքան ճիշդ էր թափելու լինեն այս երկրի Ազգայնականները, —

զրանով ոչ միայն իրենք իրականոր և է արդիւնքի չեն հասնիլ, այլ և անզարմանելի կերպով վնաս կը բերեն այն երկրին, որին կողովտելը և կործանելը իրենց իրաւունքն են համարում՝ շահագործողի բարոյագիտական հասկացողութեամբ:

Թիւրքիան իր համեմատական ներքին անդորրութիւնը և զարգացման բնականոն ուղին կը գտնի, երբ Օրէնդըական Մարմինը պէտք եղած բոլոր օրէնքները կանց կացնի՝ աւատականութիւնը արմատախիլ անելու և Գործադիր իշխանութիւնն էլ այդ որոշում-օրէնքներն իրականութեան բաժինը կը դարձնի: Թիւրքիոյ ներկայ հիւանդ կազմի միակ զարմանքն այդ է. եթէ ոչ՝ կը շարունակուի լինել այն՝ ինչ որ է, — քաոս, անստուգանք, կազմալուծում: Իսկ կեանքի այդ նեղ շրջանակի մէջ չի կարող յառաջ գալ զարգացում մի Նոր-Թիւրքիա, ոչ միայն այդ ժամանակ իր ներքին բաղկացուցիչ տարրերից ու զատակարարից ամեն մէկը մի կողմ կը քաշէր և ընդհանուր ու մասնակի ճախտումներ կը յառաջացնէր, այլ եւրոպական պետութիւնները իրենք, որ անջատ շահագրգռուած են Թիւրքիայի բախտով, նրանք այդ կանէին: — Այս լաւ պիտի գիտենալ, եթէ դեռ երեւոյթապէս և ձեռնարկօրէն անկախ Թիւրքիա գոյութիւն ունի՝ ճիշտապէս անկախ Թիւրքիա գոյութիւն չունի, այդ տեսակէտով նա կատարելապէս անցել է եւրոպական կապիտալիստական Պետութիւնների ձեռքը: Այս երկրի շահագործման մէջ դրսիցներ աւելի մասն ու բաժին ունեն, քան ներսիցները: ամբողջութեամբ միապետականութիւնը ունեն իրենց ձեռնարկները զարգացնելու և նպատակաւորմամբ ուղղութեան մէջ գնելու, իսկ դրսիցներ այդ կողմից ամէն երաշխաւորութիւններ ունեն, — այդ այն ժամանակ, երբ ազգայնական կործանարար հոսանքից մղուած՝ տիրապետող ոյ-

ժերը չեն թոյլ տալիս, որ բաղկացուցիչ ազգութիւնները՝ հաւաքական օրգանիզմի զարգացման համար անհրաժեշտ նկատուող՝ ամենատարրական իրաւունքներն ու պայմաններն ունենան. — դեռ այս երկրի մէջ յամուռութիւն կայ՝ զատակարգային շերտաւորումի առաջ ոչ միայն խոչընդոտ յարուցանել, այլ նրա յառաջխաղացումը խստիւ արգելել, կարծելով թէ մի քանի օրէնք-բանաձեւեր և ոստիկանական կարգադրութիւններ հերիք են, որպէսզի պատմական բուրգերը գլխի վայր շրջուեն և կանգուն մնան:

„Խառնատի“ ի ամենամեծ սրտաւր, եթէ ոչ ոճիւրը այն եղաւ, որ այս չորս տարուայ ընթացքում, իր կուսակցական տիրապետութեան շահից մղուած, ոչ միայն աւատապետներին իր շուրջերի մէջ առնելով՝ նրանց առաջնակարգ տեղ տուեց, այլ այդ աւատապետութեան պաշտպանը հանդիսացաւ՝ իր ազգայնական ներքին քաղաքականութիւնից տարուած: „Խառնատի“ չէր, որ Հոյալին Հարցը կը վճռէր, նա շատ լաւ գիտէր, որ այդ հարցի վճռուիլը իր ծրագրի և փայտալածմիտումների դէմ երթալ ասել է. հէնց դրա համար էլ նա տեղական ազգեցիկ աւատապետներին իր գործիքը դարձնելով՝ նրանց հրեց զէպի սանձարձակութիւն: Հայաստանի մէջ կատարուած այսօր. բոլոր ոճիւրները՝ մասնակի և ամբողջական, դրանք բոլորը բացառապէս արդիւնք և հետեւանք են Խառնատեան հաւակացողութեան, Խառնատեան քաղաքականութեան, — պետական ամբողջ պաշտօնէութիւնը, մասնաւորապէս Հայաստանի մէջ, Խառնատեաններն են իսկ աւատապետ, — աւաղակապետներն էլ նրանց կամակատար գործիքները:

Այսպէս, նրանք, որոնք այս երկրի մեջ շահի տեսակետութեամբ, բարեւաւորման տեսակէտից են խօսում, նրանք՝ եթէ անկեղծ են և պատմական բոլոր պահանջին բաւականութիւն տալ

են ուղղում՝ նրանք իրենց քաղաքական առաջին և զլխաւոր ուղեգիծը պիտի անեն օր առաջ ջնջել աւատապետութիւնը, որպէս զբռութիւն, սխառէմ, և նրա մարմնաւորող, անձնաւորողներին պատմութեան ժամանակակից շրջանից դուրս նետել,—զրա մէջն է այս երկրի իրական շահը, ամեն բաղկացուցիչ ազգութեան համար անխափր:

Ս. Մալախ-Գիւլիանի, Նոր-Աւիստի
№ 66

Տանկահայերի կոտորուածները.

«Новое Время» լրագրի երեկոյեան հրատարակութեան մէջ («Вечернее Время»), 30 օգոստոսի, խօսելով «Հայկական կոտորածի» մասին Փոքր Ասիայում, և հաղորդելով մի քանի տեղեկութիւններ, որոնք արդէն յայտնի են մեր ընթերցողներին, այն կարծիքն է յայտնում որ ջարդերի գլուխ կանգնած և կազմակերպիչ Մուսաբէյը գործում է «Իթիհադ» կուսակցութեան ծածուկ հրահանգով և ծրագրով: «Այդ քիւրդը,—ասում է լրագիրը,—յարել է «Մ. և Ա.» կուսակցութեան, և այդտեղ մեծ դեր է խաղում: Այժմ, երբ «երիտասարդ-թիւրքերը» բէժիմը տապալվել է, Մուսաբէյը որոշել է ստեղծել ներկայ թիւրքաց կառավարութեան համար որ գնում է հակառակ «երիտասարդ-թիւրքերին», ամեն տեսակ բարդութիւններ, և անկասկած է, որ քիւրդերի հանդէս գալը առանց «երիտասարդ-թիւրքական» կոմիտէի ծածուկ մասնակցութեան չէ: Խնդիրն այն է, որ հայերը չէին համակրում երիտասարդ-թիւրքերի կոմիտէին և զրանով ըստեղծել են յարմար հող ազդեցիկայի նրանց դէմ: Առ այժմ, դատելով ունեցած տեղեկութիւններից, կոտորածը առանձին սպառնալից ծաւալ չէ ընդունել, թէ և վերջին օրերը սպանվել են Փոքր-Ասիայի գանազան տեղերում 130 հայեր: Հայկական շահաւոր ջարդերի ժամանակ սպանուեցին և վերաւորվեցին մինչև 300,000 անձինք: Ներկայումս օսմ. կայսրութեան սահմաններում ապրում են 2,500,000 հայեր: Սահմանադրութիւնը հրատարակելուց անմիջապէս յետոյ, 3 տարի առաջ, նոյնպէս տեղի ունեցաւ հայկական կոտորած, և սպանուեցին մինչև 25,000 հոգի: Թիւրք ժողովուրդը մասնակից չէր կոտորածին, այլ գործում էին միայն քիւրդերը, Մուսաբէյի գործակալները և վարձկան մարդիկ, որոնց վճարում էր ինքը թիւրքաց կառավարութիւնը, որ ցանկանում էր կոտորածը:

Ապա ռուս թերթը յայտնում է, որ իբր մեծ կոտորածների առաջ ենք կանգնած:

„Մշակ“ № 201

ՕԳՆԵՆՔ ԺՈՂՈՎՐԴԻՆ.

Ողորմելի անտեսական կացութիւն ունի, ուրեմն և աղքատ է Պարսկաստանը, ուստի և աղքատ է նրա ազգաբնակիչները: Գոյութեան կռիւն գնալով աւելի ու աւելի է սաստկանում, կեանքը աստիճանաբար աւելի է թանգանում, շտալու-

թիւնը մեծ չափեր է ընդունում և առաջացնում անտեսական կրիզիսներ, առանց այն էլ, մեր աշխատ ժողովրդի համար: Հարուստը, տուտրականը իհարկէ, դիմանում է անտեսական մրցման, կեանքի թանգութեան, հապա չձաւորը, արհեստաւորը, միջակ կարողութեան տէրը:

—Իրանը աստիճանաբար գնում են դէպի կործանում, դէպի քայքայում:

Որքան պատուախնդիր, նամուսի տէր, աշխատող, գործիկ աւետրի ընդունակ մարդիկ ու արհեստաւորներ մնացել են այսօր ձեռները ծոցին, վիզները ծուռ և ամօթահար իրենց ընտանիքի ու վաւակների առաջ, անգործութիւնից և փողի պակասից:

Ո՞վ նրանց կզօնի, ո՞վ փող կը վրստանանայ:

—Ոչ մի վաճառական. ոչ մի դրամատուն: Կառավարութիւնն էլ այն գիտակցութեան չի հասել և կամ չունի այն միջոցները որ բանայ կրեդիտային հիմնարկութիւններ իւր ժողովրդի համար:

Ուստի ինչ չի անում կամ չի գիտակցում կառավարութիւնը, անենք մենք հայերս և անենք մեր խեղճ հայ ժողովրդի համար: Ժամանակ է, որ հայ վաճառականները դուրս գան իրենց նեղ շրջանակից, ժամանակ է, որ նրանք հիմնեն մանր վաւկի բնկերութիւն, որ աժան տոկոսով և բաւարար չափով փող բաց թողնէր մեր կարիք ունեցող հայերին, որ նրանք էլ դրանով կարողանային իրենց զրուծիւնը բարուրդել:

Գանի քանի մարդիկ կան, որ 5-600 թումանով, կամ 100-300 թումանով և անգամ 50 թումանով կարող էին ոսթի կանգնել, գործ սկսել առևտուր անել, փրկել իրենց դառն զրուծիւնից եթէ մեր մեծ վաճառականները նման Ռուսահայերի, այստեղ ևս հիմնէին մանր կարկի ընկերութիւն: Դորանով մեր վաճառականը երբ շատ մեծ դիւրութիւն առնուած կլինէին շատ և շատ անհատներ իրենց գործերն ընդարձակելու որով և շատ մեծ չափով էլ կը վերանար անգործութիւնն ու աղքատութիւնը մեր խեղճ ժողովրդի միջից:

Թաւրիղի վաճառականներ, օգնէք մեր օգնութեան կարօտ ժողովրդին: Մեր ժողովրդի կայունութիւնն ու ուժեղութիւնը անտեսական ապահովութեան մէջ է, ուստի նպաստեցէք այդ ապահովութեան: Ա. Տ.Վ.

ԲԱՅԱՐԱՍԿ ԽՈՍԿ

Մենք հայերս դժբաղդ ենք ոչ թէ նրանով, որ զուրկ ենք քաղաքական անկախութիւնից... այլ դժբաղդ ենք մեր ինքնայատուկ մտածելակերպով, մեր «հայկական» դատողութեամբ:

Աւելի քան մի դար է, որ մենք ունենք մամուլ: Եւ դրանց թիւը մի քանի տասնեակ է: Չնայած դոյա այդքան հարստութեան՝ մեր մէջ վէճերն անվերջ են, սկզբունքներն անհայտ և իրար չհասկանալի ու անհամոզիչ մնալը յարատւ:

Յոյց տուէք մամուլի մի օրգան, որին հասկանալու և համոզուելու միտում է յոյց տալիս հակառակորդ օրգանը: Մեզանում կրքերն այնքան ու-

ժեղ են և մեր աչքում հակառակորդներն այնքան «մանր», «տգէտ», «խաւարամիտ» և «արհամարհելի», որ այլ ևս չենք լսում այդ «մանրութեան» կարծիքները, որ իրօք յաճախ ոչնչով տարբեր չեն մերից, այլ որովհետեւ ասողը հակառակորդն է, նախապաշարուածօրէն կարծում ենք թէ յիմարութիւններ է ասում, կամ «յետին միտումներով» է առաջնորդում: Պարզ ասած՝ մենք չենք հասկանում կամ՝ դիտմամբ չհասկանալ ենք ձեռնարկ, մինչդեռ այդքան առատ օրգանների միասին հենց հակադէմն ու հակադէմն համոզելն ու համոզուելը պիտի լինէր:

Տարաբաղդաբար այդ հասկանալը չկայ մեզանում, որքան և պարզ ու կտրուկ, անկեղծ ու անվերապահ արտայայտած լինիք դուք: Մարդիկ չեն կարողում հասկանալու ձեր գրածը, այլ կարողում են անպայման մի կարծեցեալ հաշուեյարդարութիւն, կիւք, ինսինուսացիա և վարկաբեկումն փնդուելու նոցանում, որովհետեւ իրանց արշինով չափելով ձեզ, ենթադրում են որ դուք իբրեւ ախոյան, իբրեւ հակառակորդ՝ երեւոյթները դատելու միակողմանի վերաբերմունք ցոյց կտաք և չէք կարող կօրելու ու արդարամիտ լինել ձեր արտայայտութեանց մէջ:

Արդարեւ մեծ դժբաղդութիւն է այդ մի ազգի համար: Ինչպէս ասում են. կուգէք ձեր 5 մատերը վառէք և ճրագ դարձէք, այնուամենայնիւ մի «բայց» կնկատեն ձեր գոհողութեանց մէջ և վերջապէս... չեն հասկանալ ձեզ: Դէհ, այդպէս կարճ է մերոնց մտածելու կերպն ու դատողութիւնը:

Եւ այդպէս չհասկացան մեզ նաև մեր շրջապատում, չնայած մեր գրածը շատ պարզ էր, շատ որոշ և միանգամայն փաստացի: Եւ չհասկացողները պաշտօնական անձինք են:

«Նոր կազմ և միանգամայն նոր ընտրութիւններ» վերնագրով մեր յօդուածում մենք հենց առաջնորդարանի յայտարարութիւններով փաստել էինք օր կազմալոյծ է թեմ. ժողով և թեմ. խորհուրդ: Նոյնը գեկուցել էր վեհիւն) և առաջնորդական տեղապահ կարապետ քահանայ շաբաթներ առաջ: Հետեւաբար՝ ասել էինք մենք, կազմալոյծ մի մարմնի ընտրութիւնը ապօրինի է:

Նորից ասում ենք մեր բացարձակ խօսք: Մենք ընտրելիք-բարձրապատիւ տ. Ներսէս վրդպտ. Մելիք-Թ' նզեանի դէմ ոչինչ չունինք: Նա՛ անհատաբար և մեր ընտրելին կարող է լինել: Մենք ասել և ասում ենք՝ չկայ պատգամ. կազմ ըստ առաջնորդարանի յայտարարութեանց և նրա առեղծուածային հաւաքումն ու ընտրութիւնը չի կրում օրինական և ժողովրդական բնոյթ և վստահութիւն՝ հասարակութեան մէջ:

Մենք դատաւարտում ենք պատգամաւորներին, որ հրաժարուելով և ամիսներից ի վեր ժողովի չգալով, մէկէն եկել էին նիստի խորհրդակցական օրակարգով և յանկարծ անցել ընտրութեան և այդ շտապ, ոչ-օրինական կազմով ընտրութիւն անելով հակառակ դիրքի մէջ են դրել և հ. Մել-Թ'անգեանին, որ սեպ. 17-ին վեհին հեռագրով յայտնել է իւր հրաժարականը առաջնորդութիւնից:

Մենք գիտենք, որ անցեալ նստաշրջանում պատգամաւորները քուէար-

1) Տես նաև «Հորիզոն» № 207 Թ. Թ.

կել, և արձանագրել են մի որոշում, որ պատգամաւորներից ով 4 նիստի չգայ, այնպիսին դատարում է պատգամաւորութիւնը: Սեպտ. 7-ին առաջնորդական ընտրութիւն անողներից շատ շատերը ոչ միայն 4 նիստի, այլ և 14 նիստի չեն եկել:

—Ergo, նրանք պատգամ. չեն: Գոնէ պատգամաւորներն իրենք իրենց որոշման հետեւողական մնան:

Բացի այս, եթէ թեմ. ժողովը և թեմ. խորհուրդը կազմալոյծ չէին, ինչո՞ւ մնացեալ պատգամաւորները բողոք և հերքում չտուեցին երբ առաջնորդարանը երեք անգամ երկու ժողովներն էլ կազմալոյծ յայտարարեց: Եթէ մեր «պատգամաւորները» իրենց «ժողովրդի ընտրեալ են համարում», ինչո՞ւ են կալած մնում արժողներին, ծն առանց երկիւղ կրելու թող առաջարկեն նոր ընտրութիւններ, համոզուած լինելով որ էլի ժողովուրդը կընտրի իրենց:

Մենք ցաւում ենք, որ իրենց պատգամաւորական պաշտօնին լրջութեամբ չվերաբերուողները առիթ տուին հայր Աթ. Թանգեանիանձի շուրջը ստեղծուէին ասէ կօսէներ, որոնք և զրդեյին նրան հրաժարական տալու, մինչդեռ բարձրապատիւ հայրը շնորհիւ իւր ցուցադրած աշխատասիրութեան, իրաւագիտութեան, արթնութեան և ռուսաց լեզուն տիրապետելուն կարող էր մեծապէս օգտակար լինել մեր բազմակարօտ թեմին:

Վստահ ենք, որ Վեհափառը չի ընդունի հ. Մ. Թանգեանի հրաժարականը, կհրամանագրի կատարել պատուիրակների նոր ընտրութիւն և նոր, օրինաւոր ու ժողովրդական պատգ. կազմն էլ կընտրի մեր իրաւաբան կառավարչին: Ահա մեր վերջին և բացարձակ խօսքը: Կարծում ենք այժմ մարդիկ կհասկանան մեզ:

Մի վերջին խօսք էլ մեր պ. պ. պատգամաւորներին:

Դուք կամ պէտք է տաք և պընդէք ձեր հրաժարականը և կամ՝ երբ հրաւիրուած էք՝ պէտք է պարտադրաբար գնաք միշտ ժողովների և ոչ թէ ստորագրէք որ կգնաք և սակայն չէք գնում ժողովի: Այսպիսով դուք ստեղծել էք առաջնորդարանի համար մի հակասական և անելանելի զրուծիւն: Դուք որոշում էք կայացրել 4 նիստի չգալու և պատգամաւորութիւնից դատարելու մասին և ըստ ձեր որոշման ձեզնից շատերը արդէն պատգամ. չէք: Շատերը էլ հրաժարական էք տուել և այդ հիմամբ էլ Կար. եպոս. և իր խորհրդակիցները թեմ. ժողով և խորհուրդ կազմալոյծ էին յայտարարել՝ պաշտօնական թերթով:

Վերջապէս դուք ձեր դերն ու դիրքը պարտաւոր էք ճշտել և հաստատուն մի կամք ցոյց տալ: Ձեր անորոշութեանց պատճառով տուեւում է թեմը և առաջնորդարան էլ մնում է կաշկանդուած:

Sapienti sat.

Սիդոր

ԿՕՆՅԵՏ ԹԱԲԻՂՈՒՄ

Ամսոյս 15-ի գիշերը Արամեան դպրոցի թատերասրահում պ. Սամսոն Կարապետեանը իր խմբով տուեց Ասիական և Եւրոպական մօթիւններից մի կօնցերալ առաջին անգամ Թաւրիզում, Նուադո մ էին Թաուր, քէմանչի և դափի վրայ:

Նուազները վարձատրուում էին ծափահարութիւններով: Կոռնկը սօ- լօ նուազեց պ. Կարապետ Եղգարովը բայց անյաջող: Ապա սօլօ թառի վրայ նուազեց մի քանի պարս- կերէն եղանակներ պ. Սամսոն Կա- րապետեանը:

Պարոնի նուազը վարձատրուեց ծափերով: Պարոնը անպայման լաւ նուազող է և խիստ զգացմունքով լա- րահարող: Աւելին ասել այդ առթիւ պատկանում է զուտ մասնագէտ երա- ժիշտներին: Մեր տպագրութեամբ՝ պ. Սամսոնը գերազանց նուազող է և նը- բան պարսկական նուազներում չի նշմարում այն ներհն ու մեղամաղ- ձոտութիւնը, որ յատուկ է պարսիկ նուազողին և երգողին: Յուսով ենք թաւրիզի հայ հասարակութիւնը կը- քաջալերէ մեր նորեկ հիւրերին և հո՞ծ բազմութեամբ կերթայ լսելու այդ խմբի կոնցերտները, որ մեծ բա- ւականութիւն են պատճառում ըն- կնդիրներին: Թ.

ԹՂԹԱՆՑՈՒԹԻՒՆՆԵՐ

2 Սեպտեմբեր Թէհրան
Հայերի դուրսիւնը Սուլթանաբադում Մօտաւորապէս տասը օր է, որ Թէհ- րան է հասել Սուլթանաբադի առաջ- նորդական փոխանորդ Սորէն վարդա- պետը: Յիշեալ վեղարաւորը մի ա- ռանձին պարծանքով է պատմում այ- ցելուներին իւր քաջարար կատարած կռիւները այդ շրջանի պարսիկ խա- ների հետ, ինչպէս նաև «հերոսաբար» փախուստը Ազնաից-Սուլթանաբադ, և ապա Համադան, իսկ այնտեղից էլ Թէհրան: Մարդ մի բոլոր մնում է տարակուսած՝ նկատելով թէ՛ որքան անխիղճ կերպով են մարդիկ վարուում իրենց կոչման և ժողովրդի հետ: Նա ուղարկուած չէ եղել այդ շրջանի ա- ռաջնորդական փոխանորդի համեստ պաշտօնով, այլ որպէս Դաշնակցական «բաշարի» մի զինուոր ուղարկուած է եղել Հայ և Պարսիկ միմեանց դէմ լարելու՝ ծագեցնելու զանազան վե- ճեր, որպէս զի հետևանքը Աւիւն ու Աւարի յանգի, իսկ ինքը գալով Թէհ- րան՝ անվերջ աղերսագրեր ներկայաց- նի ներքին գործոց նախարարութեանը:

Մենք այժմ անցնենք սպանուած և կողոպտուածների մանրամասնու- թեանը: Սամսամ էլ Մամալիք, նրա եղբայր Հաշի Ամիր թուաման, Քոմ- քէպ Իօվի տղայ Բադր խանը, Սորէն վարդապետի անձնաւորութեան հետ նախապէս թշնամութիւն ունենալով՝ Օգոստոսի սկզբներում յարձակուել են Ազնա կոչուած հայաբնակ գիւղի վրայ բռնելու և սպանելու Սորէն վարդա- պետին ու կողպտելու իշխալ գիւղի- ըն. կիչ հայերին: Սակայն նրանք հանդիպում են Ազնացիների ան- սպասելի ուժեղ դիմադրութեան, որով- հետև վերջիններին պաշտպանելու էին եկել հարևան գիւղերից մի քանի խաներ: Այդ դէպքում յարձակուող- ները չկամենալով դատարկաձեռն վե- ռադաւանալ, բաց են թողնում Ազնան և յարձակուում Սէյտուն կոչուած գիւղի վրայ, ամբողջապէս կողոպտում են տասը հինգ տուն հայ բնակիչներին ի վրէժ Ազնացոց դիմադրութեան: Ըս- պանում են Թաղէս Գէորգեանին, Սե- րոր Ենովքեանի, և շատ ծանր վիրա-

ւորում են Սմբատ Սանբարանին, ի վրէժ Սորէն վարդապետի: Սակայն արիւնարբու ձրիակները այդ քանով չեն բաւականանում: Եւ ինչպէս կա- ռու էին բաւականանալ, բանի որ այդ արիւնաթաթաւ գազանների ախորժա- կը հագիւ էր գրգռուել անտէր ու ան- տիրական, խեղճ ու կրակ մեր ազ- գայիների ունեցած այծերի-եզների կովերի և խղճուկ տնային իրերի կո- ղոպումամբ:

Վերադառնալով իրանց տեղերը աւելի մեծ ոյժ կազմելու՝ իրանց թուի վրայ աւելացնում են քանիդազան- ներ ևս, որոնք են Սամա Սուլթան, Մուսի Դօվլէ, Հաշի Սէյֆօվլէ, վեր- ջինների հետ միացեալ ուժերով 5-6 օր յետոյ շրջապատում են Ազնան, մի քանի հարիւր ձիաւորներով: Սո- րէն վարդապետը տեսնում է որ այլ ևս ուրիշ ճար չկայ բաց առեալ փախ- չելու: Այն խաներն էլ որոնք նախապէս օգնում էին հայերին այժմ միացել են թշնամիներին ու խնդիրը դառնում է իրա շուրջը՝ անմիջապէս «հերոս» ֆի- դայի-վարդապետը մտածում է կծիկը դնել և անհ շնչապառ համուում է Սուլթանաբադ: Իսկ վարենիների հօր- դան մտնում է գիւղը, սպանում Յա- կոբ Դադարեանին, Թալիթ Սուլէյմա- նին, թուրք Ալիին և որդուն, և մի թրքուհի՝ Նովրուզ Մուղանու կինը (վերջին երկուսին պատահամբ է գնդակ կպել): Սպանութիւններից յե- տոյ գազանները կողոպտում են Ազ- նացոց կովը, եղը, էջը, ոչխարը, տան պարապաք, մի խօսքով ինչ որ կար: Ազնայի վնասը հասնում է 50-60 հա- րար թուամանի: Վերոյիշեալ քանի հարիւր ձիաւորները չորս ժամ շարու- նակ մնացել են Ազնա գիւղի մէջ, և այդ չորս ժամուայ ընթացքում ինչքն է կատարուել, որքան կին ու աղջիկ են լլկուել և այլն, կը մնայ ընթերցո- ղի երեւակալութեանը: Ըստ կարգին Ազնան կողոպտուեց յետոյ, հայերից քանիսին որպէս գերիներ վերցնելով հեռանում են, սարսափելի տանջան- քներով գերիներին հասցնում են մինչ Զէյրաբատ, ապա ազատ են անում ասելով խաբարը տարէք խալիֆային. (առաջնորդին):

Ինչպէս ամեն տեղ, ևս առաւել այս շրջանում հայ ու պարսիկ խա- ղաղ ու հաշտ ապրում էին իրար հետ Սակայն այնօրից, երբ քեալակեօզու- թիւնը բուն դրաւ մեր... «ազատա- րար»ների մէջ, ամեն ինչ եղաւ տալն ու վրայ: Պրօգրես, ազատամտութիւն համարուեց որ վարդապետն ևս դառ- նայ յեղափոխական - մարտական սլո- ւազանդիստ, մոռանալով իւր իսկա- կան առաքելութիւնը: Այս տեղից ա- հա այն տալն ու վրայութիւնները, որ առաջ են բերել նոքա, իսկ ներ- կայ դէպքում Սորէն չի վարդապետը, որի պատճառած վնասները հագիւ թէ կառավարութիւնը կարողանայ առնել և դարձնել հայերին:

Պարսիկ խաների այդ աստիճան թշնամական վերաբերմունքը դէպի հայերը և ընդհանրապէս դէպի Սորէն վարդապետը առանց սկզբնապատճառի չէ, սակայն այդ մասին մենք լուրս ենք, քանի որ ժամանակը յղի է ա- նակիկալներով:

Տ. Ք.-եան

6 Սեպտ. Թէհրան

Եղիու Հակառակորդ բանակների շուրջը Եար-Մահմադ խանի բանակը քանի օր առաջ հասել է Բիւրտոտան, իսկ կառավարութեան բանակը՝ Քիրման- շահ: Այս երկու բաղաժների ազգա- բնակիչներն էլ առանց մի փոքրիկ դի- մադրութեան նշոյլ անգամ ցոյց տալու՝ զրկարաց ընդունել են բանակ- ներին, չնայելով որ նրանց ցանկալի չէր տեսնել ոչ առաջինն ոչ ել վեր- ջինին:

Տարբեր ճանապարհներով անցնե- լով երկու բանակները չեն հանդիպել միմեանց: Վերջի կէտը մի քիչ դժ- ուարացնում է գործը, որովհետև Ֆէրման-Ֆէրմանը քաջ ծանօթ է այդ շրջանի բոլոր վայրերին. նոյնպէս Սա- լար-Դօվլէն և մահուանդ, Եար-Մա- հմադ խանը, որ ծնուել, մնուել և մեծացել է այդ շրջանում, ուրեմն ինչպէս կարող են չհասկանալ, որ հակառակորդ բանակը անցնում է և այն էլ սրտեղից: Կարծուում է որ ըմ- բոստ բանակամասի հրամանատարները չկամենալով երկու բանակները զար- նել միմեանց, որպէսզի չըլուեն զին- ուորները և չսպառուի առանց այն էլ սակաւ ռազմածիւրերը: Այդ շատ պարզ ապացուցուում է նրանով, որ կառավարութեան բանակը հագիւ էր շարժուել Գուրտիսթանից, որ անհ ըմբոստները դատարկում են Քիրման- շահը, որպէսզի առաջինները գալով առնեն իրանց հանգիստը. իսկ իրանք կողմակի ճանապարհներով թէն հեռու շտապեն վերցնեն Համադանը, որով ընդ միշտ կտրած կը լինեն Ֆէրման- Ֆէրմանի հաղորդակցութիւնը կենտր. կառավարութեան հետ: Այսպիսով կենտր. կառավարութիւնը չի կարենայ օժանդակ գործ հասցնել Ֆէրման-Ֆէր- մանին:

Շտապ օգնութեան հասնելու նը- պատահով՝ կառավարութիւնը ջգտա- ցած կազմակերպում է Բախտիարցի- ներին, տալով նրանց յետամնաց ու- ճիկներն ու աւանս, նորակազմ մա- նուկ ժանդարմիայի հետ ուղարկելու Համադան: Մեր կարծիքով արդէն ուշ է, որովհետև մինչ կազմակերպ- ուեն և ճանապարհուեն Համադան, կանցնեն առաւել քան տասը օրեր, և այդ դասը օրերի ընթացքում, ար- դէն վերցնուած կը լինի Համադանը ըմբոստների կողմից:

Թէ մանուկ ժանդարմների ու բախտիարցոց օինջքան կը յաջողուի զինու ոյժով դատարկել Համադանը, Եար-Մահմադ, և Սալար զօվլէա- կաններից, այդ էլ մօտիկ ապագան ցոյց կ'տայ:

Յովսէփ Միրզոյեանցը, այժմ Քիրմանշահ է և նամակագրութեամբ շարունակել է հաշտութեան համար բանակցութիւններ Եար Մահմադ խա- նի և Սալար-Դովլի հետ: Մինչ ցարդ կատարուած բանակցութիւնները ոչ մի արդիւնք չունեցան ի նպատու եր- կու կողմերի էլ, թէն կառավարու- թիւնը որոշել է բուրովին չգիշել ըմբոստներին, բայց և այնպէս այս անգամ իր յաջողութիւնն էլ կ'ստի- ծելի է:

Ամսոյս 8-ին Եուսուֆաբադում կայանալու է Շվեդտացոց կազմած ժանդարմերիայի զօրահանդէսը, ուր և հրաւիրել են մանուկ Շահին: Դժուար թէ գնայ: Զօրահանդէսից յետոյ մի

Շվեդտացի սպայի հրամանատարու- թեամբ ճանապարհուելու են Համա- դան:

Վերջին պահուն տեղեկացայ, որ Սորէն վարդապետը դիմելով Ռուսաց- Դեսպանատանը, վերջինիս պաշտպա- նութիւնն է խնդրել որպէս Ռուսա- հպատակ. իսկ Ռուսաց-Դեսպանատանն էլ հեռագրել է հարկաւոր եղած տե- դերը՝ ստուգելու թէ Սորէն վարդա- պետը ռուսապատակ է թէ ոչ:

Տ. Ք.-եան

Սեպտ. 9 Սուլթուզ (գաւ.),

Յօրէ անտի,երբ ոտք են դրած և հաստատուած աստ օսմանցիք, ժո- դովրդի վիճակը, գրութիւնը կերպա- րանափոխուել է. չկան առաջուան զուլումները, կեղեքում, ճնշում, հա- րստահարութիւն վերացել են, զարա- փափախ աղաները զսպուած են բոլո- րովին, որք մէկ ժամանակ կարծես կ'մրցէին մէկմէկու հետ իրանց գոր- ծած սխրագործութեամբ: Գիւղացին իւր դառն քրտինքով աշխատանց լրիւ տէրը չէր, արդիւնքի գրթէ 1/3-ը իրեն ձեռքը կ'ընկնէր, իսկ մնացեալը կայուածատեարց և ծառայից սեփա- կանութիւնն էր: Որ բայաթը (Դարա- փափախ թուրք, քիւրդ, հրէայ, հայ և ասորի) կ'համարձակուէր աղայի ձեռ- քէն աւզ անել: Այդպիսի ,ստահակ',- ին ,յանդուգն',-ին վիճակուած էր կանուխ կամ ուշ կենագրաւ լինել ի խրատ և զգուշութիւն այրոց...

Կենաց, ընչից, պատուոյ կատար- եալ ապահովութիւն կ'տրէ հիմա, ,ոսկի դիւր գլխուղ վրայ, ընկի ճան- պայ', հարց է թէ մինչև վերջը պիտի շարունակուի այսպէս:

Ես, ,պարզն ասեմ և ոչ ամա- չեմ', մի քիչ յոռետես եմ թուրքե- րու վերաբերմամբ, այնքան ալ հաւ- ատ չունիմ նորանց վրայ, լցիւ թէ սխալուած ըլլայի, բայց օրինակներն ինչ կ'ըսեն:

Օսմ. գօրաց թիւը կ'յանգի հա- մարեաթէ 300-ի՝ գետեղուած Նադա- դէ և Բահրանա գիւղերը, որոնցմէն մօտ 90-հայ են: Բահրանայի ասկաւ- աներ կ'կոչուին հիւղիւս (սահմանա- պահ), որք 25-30 հոգի կ'հաշուին: Նադադէի մէջ կան 5 թնդանօթ. այս տեղ են նստած 2 գայմազանները միմիեա (քաղաքական) և ասկեար- իա (զինուորական):

Օսմանցիք ունեն նաև Նադադէի մէջ Բալաղիա (քաղաքային վարչու- թիւն) չորս ազգութեան թուրք, քիւրդ, հրէայ և հայ, որոնց նախագահն է Ալի-Ղուլի խան Աֆխամի Մամալիքը: Սոյն մարմինը ինաւալով (Կապալ) է տուել Նադադէի բազարը 1350 թու- մանով:

Բաթէ

Գիւլանեան Գամակներ

10 Օգոստ. Էնդիլի

Թալիշ Թուրքալը ունի լաւ ան- պաներ: 1910 թուին-ուրիղ մի տա- րի անց՝ Պարսկաստանը անուղղակի հարկ ծանր լռեան տակ մանելով, զրգուում է ախորժակը օտարերկրեայ կապիտալիստների, որոնք իրարու յե- տիկ թափուում են Գիլանի հարստու- թիւնը թալանելու: Իւրաքանչիւրը 2- 300 թումանով ահագին անտառների իրաւունք է ձեռք բերում մեծ ու

փոքր խանութից մինչև կառավարութեան գանձարանը մի սանտիմ էլ չի օգտուում շահագործող և միլիոններ արժող այդ անտառներից։

Յեղափոխական հերոսները այնքան կոյր էին, որ այդ հարստութիւնները չէին տեսնում, որպէսզի թալանի առաջն առնէին։ Նրանք զբաղուած էին աւելի մեծ թալաններով-քաղաքներում պատրաստ հարստութեան վրայ միայն աչք տնկելով։

Ի թիւս շատերի Զարգամի էլ իւր անտառներից տալիս է վրացի ազնուական Ղահրաման անուն մարդուն, կաղնիի տախտակ և փայտ կտրտելու։ Վրացին Վրաստանից 50-60 հոգի բանուորներ բերել տալով 1-2 ամիս կլինէր կտրել էր տալիս անտառը։ 1910 թուի գարնանը մի գիշեր վրացու պատրաստի փայտը սկսում է այրուել։ Վրացին գնում է Ռաշտ Ռուսաց հիպատոսին գանդառում, 60,000 ռուբլու վնասի պահանջ ներկայացնելով Զարգամից։

Հիւպատոսը յանուն իւր հպատակի շահերի պաշտպանութեան՝ Քարկուզարի միջոցաւ դիմում է Պարսից կառավարութեան, որ Զարգամից ստանան իւր հպատակի փաստերը։ Մի ամբողջ տարի պարսիկ կառավարութիւնը չի կարողանում Զարգամին իրաւից տանել Ռաշտ, սակայն հիւպատոսը էլի պահանջում էր կառավարութիւնից, որ տեղեկութիւն չունի թէ թալիշ անուն գաւառ ունի թէ ոչ։ Եթէ իմանար՝ նրա բնական հարստութիւնից էլ մաս կունենար, կիմանար թէ ով է ծախել ով է այրել։ Կառավարութիւնն ստիպուած էր ընդունելու պ. Հիւպատոսի պահանջը, քանի որ ինքը անոյժ էր Զարգամին դատելու, արդար էր թէ մեղաւոր, այդ նրան յայտնի չէր։

Հիւպատոսը այսպիսով վատ տրամադրուեց գէպի Զարգամը։

Երկրորդ առիթը հետեւեալն է։ 1911 թւի դեկտ. 8-ին Ռաշտի գէպըների պատճառ եղող յայտնի սէյիդ Աշրաֆը երբ Ռաշտուց փախչում է, թալիշով անցնելիս մի գիշեր մնում է Զարգամի մօտ. այդ էլ երկրորդ առիթն էր որ ներկայացաւ։

(Շարունակելի) Մահաշտ

ԼՈՒՐԵՐ

ԹԱԻՐԻՉ

Սեպտեմբեր 17-ին, երկուշաբթի օրը, Սուր Սաչի տօնի առթիւ դասեր չեղան քաղաքիս ազգային երեք դպրոցներում։ Կաթողիկ միսսիան ևս այդ տօնի առթիւ տրձակել էր իւր սաներին։

Սեպտ 17-ին Ատրպատականի առաջնորդութիւնից վեհափառին հեռագրով իւր հրաժարականը ուղարկեց բարձրագ. հ. Ներսէս վարդապետ Մելիք Թանգեանը։

Սեպտ 18-ին հ. Մ. Թանգեանը պատգամաւորներին հրաւիրել էր ժողովի Դուխարդանի էջմիածնապատկան կալուածի մասին մի տնօրինութիւն անելու։ Ստորագրող պատգամաւորներից եկել էին միայն 8 հոգի, պակաս էին տասը ձայն ներկայացնողներ։

Այս վերջին նստաշրջանից ըն-

1) Տեա «Միտք» № 27

տրուած թեմական խորհուրդը, հանգուցեալ Ներսէս Բժշկեանի որբերի 6-700 թուման, կարծեօք, փողերը վերցնելով մի տարի առաջ, ուղարկել է Գերմանիա և մեքենաներ պատուիրել։ Առ ի չգոյ է դրամի, այժմ նոյն որբերը բողոքականաց դպրոցից դուս արուելու վտանգի են ենթակայ, որովհետև իրենց փողերը վերցուած լինելով հնար չունին 80 թուման պահանջուած թոշակադրամը տալ։ Հրաւիրում ենք հասարակական գործերով հետաքրքրուող անձանց ուշադրութիւնը։

Քրաշարի երկօրեայ հիւանդութեան և թերթի հերթից չուշանալու և շտապով լոյս ընծայելու պատճառով «Միտք» № 28-ի մէջ սպրդել էին բաւական սխալներ, որի համար խնդրում ենք ընթերցողների ներողամտութիւնը։

«Միտք»ի № 27-մէջ յարգոյ Աւագ խան Ա. Ֆիմանդիեանի «Ես ճանաչել եմ նրան 80 ական թուականից» պիտի լինի «70-ական»...

Մեզ հաղորդում են, որ իբր կեդր. դպրոցի անցեալ տարուայ այն աշակերտուհիներից, որոնք հակառակ մանկավարժական ժողովի որոշման քննութեան չէին եկել և չեն ստացել վկայականներ, հրաւիրել են Լիւաւայի դպրոցը վարժուհիական պաշտօնի։ Ուրախ ենք, որ գերազանցում է տեղացին սակայն թող ընտրեն վկայական ունեցողներին։

Սալմաստի հայերի վէճը իրենց գիւղատիրոջ դէմ դեռ շարունակում գրադեցնել առաջնորդարանը։ Զնայած թէ հաջի Ծօշա-էլ-Գովլից և թէ Սըփադար Ազամից առնուած նպաստաւոր հեռագրական հրամանների, կալուածատէր հաջի թաղին թէ մնում է Սալմաստում և թէ օրէցօր նորանոր հայ ու թուրք գիւղացիներ լեցնել տալիս բանտը։

Սփահտար-Ազգամի կողմից ուղարկուել է մի առանձին մէմուր այդ կնճռալից հարցին վերջ տալու։ Մէմուրի մեկնելուց յետոյ էլ հաջի Թաղին նորէն ձեռքաւարել է տուել հայ ու թուրքերի և լսում ենք որ նա ունի ձեռքութիւններ և ուզում անել նաև Փայաջուկի նկատմամբ։ Յուսով ենք որ մամուլը արդարութեամբ կնայի գործ կերին և խեղճ գիւղացիներին ազատի ծանր ճնշումներից։

Առաջնորդարանը ամսոյս 18-ին մի հեռագիր ստացաւ թէ տեղի դատաւոր Շօրաւ գիւղացեց համար Սփահտար Ազգամից առած և ուղարկած հրամանը չի ընդունում և գիւղացեց զրկում է ու նեղում։

Սեպտ 16-ին առաջնորդարանում կայացաւ ժողով տառերի գիւտի 1500-ամեակի և տպագրութեան 400 ամեակի յօբելեանական հանդիսի կատարման համար։ Ներկայ էին երեք դպրոցների ուսուցչական խմբերը և ոմանք նոցա հոգաբարձուներից։ Յոտնկայս կարդացուեց վեհափառի կոնգալը։ Ընտրուեց մի յանձնախումբ 2-ական հոգի Արամեան, 2-ական հոգի Լիւաւայի դպրոցների ուսուցչիներից և մի հոգի էլ կենտր.-ից։ Կլինի պատարագ, հոգեհանգիստ և ցերեկոյթ Ղալա թաղում։

Սեպտ 20-ին Սփահտար Ազգամը, ինչպէս մեզ հաղորդեցին մեկնել է Մամաթ Արար։

Խմբագիր-հրատարակիչ՝
Ա. Տ. Վարդանեան

Կ ՈՒՍԱԿՑԱԿԱՆ ԿԵՆՏՐ

ՅԱՅՏԱՐԱՐՈՒԹԻՒՆ

Ս. Դ. ՀՆՁԱԿԵԱՆ ԶԱՐԲԵՐՈՒՆ ԵՒ ՀԱՍԱՐԱԿՈՒԹԵԱՆ

Համաձայն Ս. Դ. Հնչակեան Կուսակցութեան Տաճկաստանի Բ. Ընդհանուր Պատգամաւորական Ժողովի որոշման կը յայտարարեմ չեղալ՝ հակակարգապահական բնոյթ գրող և կուսակցական մարմիններուն ու անհատներուն վերաբերեալ այն բոլոր գրութիւններս, որոնք իբր հոգեկան տագնապի և գերագրգռութեան արդիւնք հրատարակուած էին իմ կողմէ մասնաւոր շըրջաբերականներով և մամուլի մօջուցով։

Այս առթիւ կը յայտնեմ նաև թէ Պատգ. Ժողովի որոշումով վերսին ընդունուած եմ Ս. Դ. Հնչակեան Շարքերու մէջ։

Հմայակ Արամեանց

8/21 Օգոստոս 1912

* * * Պատգ. Ժողովը փակուեցաւ, իր օրակարգը սպառելէ և ընտրութիւնները կատարելէ վերջ։

«Կոհակ»

ՅԱՅՏԱՐԱՐՈՒԹԻՒՆՆԵՐ



„МАГАЗИНЪ ПАРИЖЪ“

PROPRIÉTAIRE J. D. THOMASSIAN

ՓԸՐԻՉ ՄԵԳԵԶԻՆ

ԿԱՆԱՑԻ ՆՈՐ ԲԼՈՒՉՆԵՐ

ՇԱԼԵՐ ԵՒ ՓԷՇԵՐ

Եւ նոր կտրներ, նոյնպէս տերմօսներ, որոնք տաք կամ սառը շուրը 24 ժամ նոյն տեմպերատուրում պահելու յատկութիւն ունին։

ՇՏԱՊԵՑԷՔ ՕԳՏՈՒԵԼ ԱՌԻԹԻՑ

ՎԱՐՁՈՒ ԵՒ ՏՐԻՈՒՄ 4 սենեակից բաղկացած մի բնակարան իւր բոլոր յարմարութիւններով։

ԴԻՄԵԼ Մահեստի Ալեքսան Տէր Օհանեանին։

ОТДАЕТСЯ квартира съ 4-хъ комнатъ со все́ми удобствами обращаться Г-ну Александру Теръ-Оганову

ՀԱՆԴԵՍ - ԱՄՍՕԵԱՅ — Հայագիտական Ուսումնաթիւրթ. 26-րդ տարին

բաժնեգիրն է ամեն երկրի համար ֆր. 15, ըստ 6, զրուշ 7. — Rédaction de la Revue «Handes Amsorya» VII/2 Mechitharistengasse-4 Vienne [Autriche]

ԿՈՀԱԿ Պատկերազարդ թերթ, գրական, քաղաքական, տնտեսական և ընկերային. Տէր և տնօրէն Հմ. Արամեան

Բաժնեգիրն է { Պօլիս և գաւառները 15 զրուշ
Ամերիկա . . . 1 դոլ
Արտասահման . . . 5 ֆր.
Ռուսիա և Պարսկ. 3 ըրլ.

հասցէ Rédaction «GOHAG» B. P. Centrale, 125 Constantinople

ԿԱՅԾ

— Օրգան Սօց-Դեմ. Հնչ. Կուս. Պօլսոյ Ուս. միութեան.

Հասարակական գիտական,

ԴՐԱԿԱՆ ԵՐԱՐԵՐԵՐԻ 2-ԴՊ ՏԱՐԻ

Բաժնեգիրն է { Թիւրքիա 12 զրուշ,
Ամերիկա 1 դոլ.
Արտասահման 4 ֆր.

հասցէ Rédaction «KAIDZ»
poste Centrale 97. Constantinople (Turquie)

ՎԱՐՁՈՒՑՈՒՆ

Վարձու է տրուած իմ նորաշէն, մաքուր և օդառուն տունը, ուր առաջ բնակուած էր Դօքտօր Թրանսուր։ Յանկացողները թող դիմեն պ. Վահան Անանեանին։

Արեակ Թովմասբէկեան

ԲԱԶՄԱՎԷՊ — Ազգային-բանասիրական-գրական-գիտական ամսաթիւրթ 70-րդ տարի, բաժնեգիրն է ֆր. 10, ըր. 4, դոլ 2, զր. 50
Հասցէ՝ Rédaction de la Revue «Bazmavep»
St. Lazare Venise (Italie)